



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Ioannis Macherentini Societatis Iesv Theologi,
Explanatio Catechismi Catholici**

Macherentinus, Johannes

Colon., 1612

De Regno Coelorum.

urn:nbn:de:hbz:466:1-39397

DE REGNO COELORVM.

*Optimus sapientissimusque mundi opifex in quem
finem quæ ex nihilo creauit,
retulit?*

CÆteras quidē creaturas corporeas hominis usui & utilitati consecrauit ; hominem verò ipsum in hunc finem produxit, vt post hoc exiguum breueque vitæ curriculum, rectè & honestè cōspectum, in domum illam migraret, ubi diuino conspectu fruēs, vitam longè iucundissimam beatissimamq; in omnem æternitatem viueret.

Quid hinc colligis?

Primò, manifestum euadit, vitam quam hic ducimus nihil esse aliud, quā viam quandam & motum ad illam beatam & immortalem, resque alias omnes ob eam potissimum causam factas, & impartitas nobis, vt ijs in hoc itinere ad cœlum commodius facilius que conficiendo utamur.

Secundò, Christianum hominem, qui hanc veritatem fide edocitus est, omnes suos conatus huc conferre debere, vt à beata illa vita nec excidat, nec frustra in hoc mundo constitutus, nec suæ procreationis finem aſſecutus videatur.

Hh 5 Tertiò

DE

Tertiò hinc efficitur, Christiani hominis mentem, cogitationesq; non alibi quam in cœlo defixas esse debere, iuxta B. Pauli admonitionem dicentis. Quæ sursum quare, vbi Christus est ad dexteram Dei sedens, quæ sursum sunt, sapite, nō quæ super terram: nostra enim conuersatio in cœlis est, qui sumus conciuses sanctorum & domestici Dei.

Quomodo ad regnū cœlorum mortales afficiuntur?

Tria sunt hominum genera, qui de extra-
na vita aut loquuntur aut cogitant. Primi
sunt, qui cœlestia illa bona tanquam aliena,
& ad se non pertinentia cōtemplantur, mo-
re illorum hominum, qui in itinere insigne
aliquid palatium contuentes, pulchritudi-
nem & splendorem eius admirantur, multa-
que inter se de illo conferunt, sed præterem-
tes ad obiectam aliquam casam rusticam
diuertunt.

Secundi sunt, qui de cœlestibus quidem
bonis, tanquam sibi comparatis & propoli-
tis, multa copiosè & splendidè dislerunt, sed
difficultate itineris multitudineque adver-
sariorum deterriti, neque ipsi eo conten-
dunt, neque alias eo contendere sinunt.
*Quemadmodum olim in deserto io. illi ex-
ploratores fecerunt, qui cum Iosue & Ca-
leph in palestinam promissionis terram à
Mose alegati fuerunt.*

Tertij porrò de cœlo agunt, tanquam de
patria

Coloß. 3.

Ephes. 2.

patria ad quam iter habent, eiusque cogitatione ac crebra commemoratione omnes miseræ huius vitæ molestias & difficultates exsorbent, non aliter quam nobilis, qui ex longa difficultique peregrinatione pedes domum reuertens, eminus arcem suam in monte conspicatur. Hic enim cogitans paulò post occursum cum liberis & familia vxorem, in amplexus ruituram, sedem, mensam, epulas, cæteraque omnia corporis animique oblectamenta proposituram, nihilque defuturum commoditatis, opum, honorum, &c. in itinere fortiter & animosè decurrendo alacriter progreditur, vim sibi facit, atque adeò etiam comites certa futurorum bonorum ostentatione animat atque impellit, si que in itinere occurunt, cœcis quasi oculis transit, & futurarum commoditatum consolatione facile contemnit. Ita affectos esse illos conuenit, qui beati esse volunt, ut magno & invicto animi robore superatis omnibus impedimentis, & difficultatibus ad illam gloriam contendant, propter quam in lucem additi, & per Christum à morte sempiterna vindicati fuerunt.

Inenarrabilis illius beatitudinis in nobis desiderium quænam excitant?

Primum si consideremus quæ quantaq; bona Deus in hac vita dilargitus sit, non modo infidelibus idolorumque cultoribus, & ho-

& hominibus ventri suo abdominique deditis, sed hostibus quoque suis, & Christiani nominis accerrimis oppugnatoribus. Ne præter nefarium parricidium & alia immensa flagitia commissa, primus imperatori Christianos vehementissime est persecutus, usque ad interencionem glorioissimorum Apostolorum Petri & Pauli, Decius, Diocletianus, Maximinus, Maxentius, ceteraque veræ religionis hostes, quid non in Deum, Deique cultores Christianos machinati fuerunt? Julianus Apostata ex tonsurato clericorum religionis Christianæ desertor, magisq; artibus deditus, Valens hæreticus, &c. Hi (inquam) omnes cum tot sceleribus iniquitati ex professo Deum ipsum, Deique legem impugnarunt; à Deo tamē donati sunt immensis opibus, honore, gloria, splendor, delitijs, ut nihil deesset, quo minus vitam agerent suavitatis, dignitatis, voluptatis plenissimam; imperauerunt orbi, subiectos sibi habuerunt populos ac Reges; ad eorum nutum omnia gerebantur. Et quid optare posses in hac vita, quod illis non fuerit concessum? Sed hinc attolle mentem ad alia. Si nim tanta largitus est hostibus, persecutoribus, improbis, flagitiosis, sceleratis hominibus, atque tyrannis; quid præparauit, nondico, seruis, non amicis, non charis, sed filiis dilectissimis, regni sui hæredibus? Si optabili

lis est imperatorum regumque terrenorum conditio, quanto magis optandum cœleste regnum, cui præficientur filij accepturi hæreditatem?

Secundum est ex diligentí consideratio-
ne verborum Isaiæ, & B. Pauli Apostoli. Ocu- *Isa. 64.*
lus non vidit, auris non audiuit, & in cor hominis 1. Cor. 2.
non ascenderunt, quæ præparauit Deus diligentibus sc. Magnam gloriam, magnas opes, magnos honores oculi nostri viderunt principū Christianorum: Multò plura audiuimus aut legimus ipsi, quanta fuerit gloria imperatorum, quæ victoria ac potentia Alexandri Macedonis; quæ Nabuchodonosoris regna, qui triumphi Ducum Romanorum, quam admirabilis sapientia Salomonis. Longè deniq; magnificentiora & splendidiora mente & cogitatione complecti possumus: sed quantamcunque videris in orbe gloriam & fœlicitatem, quantumcunque audieris quātumcunque mente complexus fueris, nihil ad gloriam, beatitudinemque illam quam dabit, & reuelabit in cœlo Deus diligenteribus sc.

Tertium ex eiusdem Apostoli verbis col- *Rom. 8.*
ligi potest: Non sunt condignæ passiones huius tē-
poris ad futuram gloriam quæ reuelabitur in no-
bis: hoc est nihil tam graue cuiquam, in hac
vita inferri potest, aut à quoquam sustineri,
quod dignum sit æterna gloria. Quò maio-
ris

ris momenti & pretij est res, eò maiore labore molestijsque digna censetur. Sunt querum patientur & ignes, ut vel præmia consequantur, vel commodis & emolumenis quibusdam fruantur. De bonis igitur vix æternæ affirmat scriptura quod tanta sit, ut nullus fuerit unquam, in hac vita labor, nulla molestia, nulla afflictio, nulla pena, quam non cumulatissimè compenient ac remunerentur. Multa passi sunt martyres, multa item facinorosi multi pro criminibus suis: At nihil dignum tantò præmio. Tuleriores tuos ad res istius vite confer, mercator se periculis maris exponit, ut quæstum mercibus faciat, Ecclesiasticus transmittit Alpes, ut sacerdotium aliquod opimum impetrat. Alij studia literarum, nocturnosque labores ad honores, Principum fauorem, & quietam vitam dirigunt. Et hæc diuinabona quæ pretium omne superant, pro quibus tametsi vitam sanguinemque profundas nihil dignum prestabis, nullos tibi labores mereri videntur? Certè B. Paulus, quantos labores & molestias perpessus fuerit, quamque parui eas pro bonis illis immortabilibus clamauerit, in Epistolis suis satis declarat.

Quartum est ex pretio vitæ æternæ: menses enim quo pluris veneunt, eo digniores habentur. Obseratum erat quondam cœdi peccata.

peccato primi parentis, nulli patebat ingressus, quæsusitus est in cœlo, in terra & subtus terram, qui pretio persoluto portā cœli reseraret, nemo potuit reperiri, nec pretiū ab illa mortali vel immortali creatura persolui. Deus ipse infinitæ maiestatis & dignitatis in pretium se offerre debuit. Haberi poterant opes huius terræ, Sol, Luna, sidera, ipsique cælestes orbes, quæ omnia quum in hunc finem à Deo producta essent, ut homini ad æternam salutem consequendam adiumento essent, meritò debuissent in hoc negotio consumi, sed dignum & æquale nō erat pretium, opus fuit re infinita, doloribus, sanguine, passione, morte Dei infiniti. Quocirca si gloria cœli non nisi infinito merito comparari potuit, hoc est, non nisi morte filij Dei; & si tanti Deus ipse illam æstimavit, ut se ipsum pro ea tibi comparanda obtulerit, ac donarit; nonne magnum quiddā & eximum vitam æternam esse existimare debemus? Ego (inquit filius Dei) veni ut vitam habeant, ideo factus homo, ideo passus, ideo mortuus, ut vitam ab ipsis amissam meo sanguine recuperem.

Quintum argumentum dicitur ab illis, qui hoc cœlesti gaudio beati sunt & felices. Maiores nobilioresq; maioribus rebus gaudent & delectantur; pueri nucibus, viri magnates, Principes & Reges grauioribus,

vt

vt certaminibus, circis, venationibus. Qui
porro res istas terrenas mente calcarunt, &
deò non afficiuntur illis, vt omnia ista hu-
mana & inferiora pro nihilo ducant, repu-
tent vt sordes & stercora. Tales erant Apo-
stoli, cæterique viri sancti, & Deo pleni. At
verò sancti Angeli quibus nihil commercij
est cum his nugis nostris, designantur illas
aspicere, in quibus homines præcipuam fœ-
licitatem constituunt: eorum quippe felici-
tas & beatitudo posita est in rebus longè no-
biliaribus. Deus autem infinitæ nature &
dignitatis, non nisi infinita pulchritudine
capitur. Considera igitur quanta sit futura
res illa, quæ te in æternum beabit, eadem ni-
mirum quæ sanctos Apostolos, quæ beatos
Angelos, quæ Deum ipsum: Qua enim re
sancti Dei aque adeò Deus ipse oblectatur,
& beatus est, nisi Deo & contemplatione
possessioneque diuinitatis? Hac eadem tu
frueris, & in æternum frueris. O te beatum
ergo si gloriam istam intelligas, beatiorem si
desideres, beatissimum si consequaris.

*Anima hoc cœlesti regno digna quo triumpho in
possessionem tantæ gloriae ingre-
dierit?*

Reges inaugurandi cum magna pompa
& solennitate inducuntur, & Romani duces
olim confectis fœliciter bellis domum re-
uer-

uerentes, cum incredibili splendore & apparatu in capitolium inuehebantur. Sed nihil ad hanc inaugurationem atque triumphum. Lazari mendici anima, ante referatas *Luc. 16.*
 cœli portas, ab ipsis Angelis, est in sinum Abraham deportata. Itaque, primò Angeli ipsi sunt vice currus triumphalis, ipsi vehūt animam in cœlum, ipsi magno numero comitantur. O quam suave vehiculum, quam certi itineris duces, quam nobiles & iucundi comites, quam honorabiles ductores.

In ipso verò progressu cum laudibus Dei, non tacebuntur laudes triumphantis animæ. Hæc est virgo sapiens, quam Dominus vigilantem inuenit. Hæc est quæ nesciuit thorum in delicto, habebit fructum in respectione animarum sanctorum. Ille sanctus pro lege Dei sui certauit usque ad mortem, & à verbis impiorum non timuit. Hic vir despiciens mundum & terrena triumphans diuitias cœlo condidit, ore, manu. Tum eius generosa facta dulcissimo carmine ab Angelis celerabuntur, talique cœlesti melodia peruenietur in cœlum, sicut de seruulo paralytico, narrat D. Gregorius.

Quid ubi ad cœlum ventum fuerit?

Mirabitur anima insolitam regionē, noua erunt omnia; occurrent sancti congratulabundi, & in casta oscula ruentes. Si enim

Ii Ange-

Lac. 15. *Angeli in cœlis gaudent super vno peccatore pa-*
tentiam agente, sed in magno adhuc discrimi-
ne degente, quantum erit gaudij super eodē
iam de hostibus omnibus victoriam & tri-
umphum reportante? Etsi gaudent Angeli,
quanto magis homines, eiusdem nobiscum
naturæ, conditionis, & patriæ? Etsi ex longa
peregrinatione redeunti filio occurunt
mater & domestici in hac vita, omniq[ue] ob-
sequij & officij genere gratificantur, quam
vehementer lætabuntur, & gratulabuntur
nobis beati illi Spiritus, qui longè maiore ca-
ritate nos complectuntur, quam ullus mor-
talium? Præsertim cum ex multo longiori
periculoso riique peregrinatione atque ou-
ugatione, in securissimum salutis portum
inuenhimur?

Qui sanctorum præcipuo gaudio triumphantibus
in cœlum ingredientibus?

Quibus nos aliqua necessitudine conim-
eti fuimus, vel causam alicuius boni au-
lutis attulimus, vel quos singulari deuotione
coluimus. Itaque parentes Deo laudem di-
cent pro tali filio, & fratres, amici & cognati
pro tali consanguineo. Ibiq[ue] amor omnis
naturalis qui erga parētes habebatur, in su-
atum & diuinum commutabitur. Iam illi
quos ad meliorem vitam adduxeris, ad Deum
conuersi, tibi suam salutem cum ingenti ma-
glo-

gloria acceptam referent. Et sicut (teste D. Gregorio) Achaia Andream prædicabit; India Thomam, Aethyopiā Bartholomæum; orbis Christianus Petrum & Paulum, his similibusque vocibus.

Hi sunt Domine qui nos veritatem docuerunt, qui nos suis verbis & exemplis è dæmonum faucibus eripuerunt, qui salutis istius nostræ authores fuerunt, Petrus Apostolus, & Paulus Doctor gentium, ipsi nos docuerunt legem tuam Domine: His igitur redde coronam iustitiae, quam promisisti diligenteribus te. Ita tibi bona omnia precabuntur, & laudes tuas immortaliter celebrabunt, illi quos tu ad pietatem colendam iuueris, filij, discipuli, subditi, auditores, & quibuscumq; operam tuam impenderis. Sancti verò quos patronos habueras, nominatim Angelus tutelaris, peculiarem illum cultum & honorē, quo ipsoſ viuens affecisti, palam commemorabunt, singula quoq; recensemebunt, quæ in tui gratiam vicissim à Christo petierunt & impetrarunt, quos tu agnoscens maiori etiam, quam hactenus vñquam veneratione & affectu complectere.

Iucundissimo hoc ac ornatisimo sanctorum comitatu in intima cœlorum penetralia introducere quid agam?

Admiraberis regionis amœnitatem, campos non terrenos, sed cœlestes, palatia nō lapidi-

II 2 pidi-

pidibus, lateribus aut gemmis, sed sublimiori materia diuinis manibus artificio; constructa, solis lux vtpotè obscurior illuc non lucebit, nam *claritas Dei illuminat illam domum*,

Apoc. 21. & lucerna eius est agnus. Hinc inde circumspicitans varios sanctorum choros videbis, Virginum, Viduarum, Anachoretarum, Confessorum, Ecclesiæ Doctorum, Martyrum, Apostolorum, Prophetarum, Patriarcharum, qui ut in hoc mundo diuersis viuendi institutis Deum coluerunt, peccataque sua, & vnigeniti filij Dei mortem, seorsim (vtae

Zach. 21. Propheta Zacharias) distinctis familijs planixerunt, ita in cœlesti patria diuersis honoribus afficiuntur, & habitationibus distingu-

Ioan 14. entur. Siquidem in domo patris cœlestis mansiones multæ sunt.

Quibus salutatis & ab ijsdem officiosè resalutatus, ascendens ad nouem choros Angelorum, quos tribus hierarchijs disperitos, & in suo quemque munere & officio (sunt enim *administratorij Spiritus*) constitutum videbis, ex qua re dictu incredibile, quantam

Gen. 28. sis voluptatē percepturus. Nam illi quisunt ex ordinibus inferioribus, vltro citroque sursum, deorsum cursitant munera diuinæ

Apoc. 8. cœlo in terram, & preces mortalium hincin cœlum deportantes. Medij ex Dei voluntate & præscripto de rebus inferioribus constituant & ordinant. Supremi vtpotè Deo

vii.

viciniores perpetuò diuinæ suæ maiestati as-
sistunt & ministrant, toti in eius amorem &
admirationem absorpti: Et Angelorum qui-
dem omnium tanta est multitudo, vt sicut
cœlum magnitudine hanc terram, infinitis
partibus vincit, (quippe quæ iuxta mathe-
maticorum demonstrationes ad vniueritatem
cœli complexum quasi puncti instar obti-
net) ita eorum numerus res has terrestres
omnes multitudine longè superet. Ordo ta-
lis est, vt & nemo otietur, & nemo alterum
impedit, & quo quisque superior est, eo
quoque inferiore, insigni aliqua proprietate
nobilior est & præstantior. Regina Saba ad-
mirabatur in aula Salomonis ministrorū
ornatum & ordinem; nec habebat amplius spi-
ritum, vt inquit scriptura. Sed quid hominū
terrenis vestibus induorum nitor, ad hunc
immortalem Angelorum splendorem & or-
natum; qui gloria cœlesti & pulchritudine
naturæ suæ, omnibus rebus à Deo creatis an-
tecellunt? Quid ille ordo ad huius ordinem?
Quid illa multitudo ad hanc infinitatem?

In hac gloria profectio[n]e, quos audies
concentus Angelorum, atq[ue] beatorum ho-
minum? Quam melodiam, quas Dei laudes?
Canticum nouū, perpetuū Alleluia. Quan-
do vident pij homines in templis Catholi-
corum sacrum missæ officium cum appara-
tu, & pia quadam cœremonia celebrari, &

Li 3 Eccle-

² Par. 9.

Ecclesiasticos hymnos deuotè ordinateque
decantari audiunt , animis in cœlo defixi,
& mirabili dulcedine ac suavitate delinit,
lachrymas vix tenent. Hic ergo in cœlesti
templo,in tanto numero canentium, tanta
singulorum attentione,tanto ordine, tanta
harmonia,tanta maiestate , quid cogitabis?
Vbi eris? Quo gaudio afficeris? Qua dulce-
dine perfundēris ? Qua deuotione cumu-
laberis?

Præteruectus Angelorum ordinem ad
cælorum Reginam Dei ipsius Matrem ad-
duceris,quę sola gloria ac maiestate sua deci-
mum chorum constituit , & adornat, tote-
niam tantisque donis & ornamentis est ex-
cultta, vt quidquid sapientiæ, pietatis, chari-
tatis, pulchritudinis, honoris,gloriæ sanctis
omnibus à Deo collatum fuit, id omne in
ipsa tanquam in nobilissimarum rerum the-
sauro collectum videoas. Hanc aspicies ami-
Apoc. 12.
ctam Sole, & Luna quasi scabello insistentem,
illustri corona, 12. stellis tanquam gemmis
quibusdam distincta, capite redimitam: que
serenissimo vultu ad te conuersa , veni (in-
quiet) sponsa Christi, accipe coronam quam
tibi Dominus præparauit in æternum; In-
uocasti me, & quotidianis precibus postula-
sti , vt Iesum benedictum fructum ventris
mei post exilium tuum tibi exhiberem; iam
te ad eum deducam, teq; coronandam, dig-
noque

noque prēmio afficiendam ei sistam: & com-
memoratis orationibus quas pro te ad filiū
suum fundere solita fuit, singulisque benefi-
cijs per eius preces tibi à Deo collatis, in ma-
iore te sui amore & venerationem ex-
citabit.

Quid præterea?

Duce matre Deipara throno Christi ap-
propinquans admiraberis gloriam vnigeni-
ti filij Dei, sedentis ad dexteram virtutis &
maiestatis Dei, qui tibi obuiam factus, id
quod in supremo iudicij die futurum pro-
misit, etiā hoc tempore aliquo modo presta-
bit: Iterum veniam & assumam vos ad meipsum:
Nam si filium prodigum, qui totum patri- *Luc. 15.*
monium suum decoxerat, accurrens ample-
xus est & osculatus, quid filio probo è pug-
na redeunte facturum putas? Primò sanè
more matris, quæ infantis lachrymantis fa-
ciem sudario tergit, absterget omné lachrymam
ab oculis tuis, & eiusmodi proculdubio ver-
bis consolabitur: Benedicte tu fili mi, & fra- *Apoc. 21.*
ter dilectissimè, gaude & exulta, iam enim
non erit tibi amplius neque luctus, neque clamor,
neque ullus dolor. Iam hyems & difficultas omnis
transiit & recessit. Deinde quod tantò tem- *Cant. 1.*
pore concupiuit anima tua, ut oscularetur
te osculo oris sui, suauissimo castissimoque
amplexu, te sibi in sponsam desponsabit.
Tum exhibitis manuum, lateris, pedumque

Ii 4 vulne-

vulneribus, quidquid pro te annis 33; gesse-
rit, passusq; sit, in memoriam reuocabit. Tu
verò venerabundus sacra illa vulnerum loca
deosculaberis, tantiq; Domini in te boni-
tatem & misericordiam admirans, in eius-
morem incredibiliter exardesces.

Nihil amplius?

Exod. 24. Quintò, manu prehensam te sponsam so-
am adducet Christus ad thronum, patris et-
terni, vt ipsam videoas & possideas diuinita-
tem. Vt si sicut Moyses in monte Sinai in nu-
bem ingressus caligine tectus fuit, ita tu in-
gressus in gaudium Domini tui, totus à Deo ab-
sorptus, homo planè diuinus euades. Hic
tunc Deus Pater, sempiternæ gloriae corona-
tibi imponens: *Euge (inquiet) serue bone & fi-
delis, quia in pauca fuisti fidelis, supra multa u-
constituam, intra in gaudium Domini tui, intra*
*(inquam) in gaudium Domini tui, tantu[m] quip-
pe est gaudium, vt totum capere nequeat,*
sed sicut spongia in aquam missa oppletur
quidem aqua, sed vniuersam aquam non ca-
pit, ita tu gaudio quidem & Deo repleberis,
sed tamen totam istius gaudij amplitudinem
mentis tuæ angustię non poterunt contine-
re. Verè, verè beata tunc erit anima tua,
*densque exultabis letitia inenarrabili & glorifica-
ta. Deus porrò locum tibi designabit in nu-
mero sanctorum labore & virtute tua dign-*

1. Pet. 16

num, iuxta illud sapientis. *Omnis misericordia Eccle. 16.*
faciet locum vnicuique secundum meritum operum
suum, & secundum intellectum peregrinationis
ipsius. Ad quem locum ubi perductus fueris,
miraberis tibi afferuata, & quasi in thesaurum
collecta, quæcunque per omnem vitam egis-
ti, nihil eorum prætermisum, nec haustum
quidem aquæ frigidæ e gentibus datum, &
miraberis res exiguae & minimas tanta mer-
cede compensari.

Veréne isthac ita fient?

Fient illa quidem, sed non eo modo quo
dicta sunt, sed quomodo ab hominibus ex-
plicari possent. Fient puncto temporis, sum-
mo splendore, inexplicabili lætitia, modo
supernaturali, quem illi soli intelligent, qui-
bus dabitur experiri.

*Quotuplex gaudium habetur in vita
eterna?*

Duplex: Vnum essestiale dicitur, quod
in Dei ipsis clara visione possessioneque
consistit.

Alterum accidentale, quod in cæteris a-
nimæ corporisque bonis cernitur. Vtrique
conuenire potest Boëthij definitio, *ut sit sta-
tus bonorum omnium aggregatione perfectus.*

Atque ut ab accidentalí præmio tanquam
minori auspiceris, omnibus ibi bonis cir-
cumflues & abundabis, nihil quod deside-

Li 5 rare

rare possis aberit, omnia quæ voles copiose accipies. Cumq; tanta sit illuc fœlicitas, recte tamen dixit D. Augustinus facilius expōnē se quid non sit, quā quid sit in cœlo; nulla paupertas, nulla inscitia, nulla ægritudo, nullæ profus miseriæ, imò verò nec hæc nostratia bona, non diuitiæ nostræ, non honores nostri, non scientiæ nostræ, non eloquentia nostri, non denique quidquid in bonis & eximis hic mundus admiratur. Aderunt tamen bona omnia, sed præstantiora & altiora.

Adumbra rem istam similitudine aliqua?

Agricola quispiam rusticana sua casæ & supellectili contentus viuit, mensa, cubili, lecto, vestitu, &c. At filius Regis assuetus palatio, supellectilique regia, casam hanc forte ingressus, nihil inueniet, quod aula parentis dignum putet. Hic enim videri parietes luteos, tectum stramineum, tapetes ranearum telas; lectum saccum stramineum, lecticam humum, mensam rudem tabulam, sedem truncum arboris, vestem panosam, calceos clauiculatos, orbes & coquaria lignea, lances testaceas, denique rusticanaque omnia, quibus licet fruatur, & delectetur agricola; non capitur tamen Regis filius, cuius palatum est nobilis lapide structum, plumbeis laminis tectum, pul-

cherimè laqueatum, & supelle&tili aurea
atque argentea instructum. Simili modo res
se habet in aula cœlesti, ubi diuitiæ huius
mundi, quæ auro, argento lapidibusque pre-
tiosis & gemmis constant, hoc est, terra ru-
bra, alba, aut alijs coloribus pro qualitate
gemmarum tincta, nullo pretio habentur.
Nostræ opes pungunt sollicitudine curaqué
habendi & retinendi. Illic opes cœlestes
sine cura, & illæ quidem amplissimæ. *Super*
omnia enim bona sua constituet te Devs. Quid- Matt. 24.
quid habet Deus, id tuum erit. Et quemad-
modum olim Iosephus par erat Pharaoni, Gen. 41.
vno solio regni sceptroque excepto; ita tibi
sua omnia donabit, committetque Deus,
hoc vno dempto quod cōmunicari nequit,
ut ipse solus maneat Deus super omnia benedi-
ctus in sœcula.

Honores istius vitæ, quid præter exter-
nam reuerentiam adferunt, & illam sæpè si-
mulatam, sæpè extortam, sæpè coactam, &
inuidia, maledictionibus plenam? In cœlo
porrò quantus honor? *Qui vicerit (inquit* Apoc. 2.
CHRISTVS) dabo ei sedere in throno meo. Ma-
gnus honor in eodem throno cum Rege
considere. Aman acerrimus honoris existi-
mator, summam dignitatem iudicabat equo
Regis vehi. Quantus igitur erit honor, in Hebrei. 6.
eodem throno sedere cum **CHRISTO**
DEO, & Regum omnium Domino? Ele-
ganter

ganter dixit B. Apostolus Paulus. *Quod in pra-*
senti est momentaneum, & leue tribulatione no-
stræ, in sublimitate æternum gloriæ pondus opera-
tur in nobis. Tanta est illius honoris & gloriæ
magnitudo, ut omne id quod in hac vita pa-
ti contingit, sit pro re leui ac momentanea
habendum.

Summa in hoc mundo potestas est, sum-
ma imbecillitas. Reges & Principes, qui præ-
ter cæteros potestate prædicti esse viderunt,
sine ministrorum turba à quibus pendet to-
ta illorum potestas, vix audent domo offere
pedem quod intrepidi faciunt mendici. Bea-
tì verò in cœlo, sine ministrorum aut militi
ope, soli per se acies integras delere & perde-
re possunt, sicut una nocte in exercitu Sena-
cherib, Angelus vnus 185. hominum milia
prostrauit. Quia gladij anticipites in manibus co-
rum, ad faciendam vindictam in nationibus, incen-
pationes in populis, quod illis in Apocalypsi
promisit Christus his verbis: Qui vicerit & in-
stodierit usq; in finem opera mea, dabo illi potesta-
tem super gentes, & reget eas in virga ferrea, &
tanquam vas siguli confringentur, sicut & ego al-
cepi à patre meo: hoc est, potestatem, quam me
pater cœlestis ornauit, cū sanctis meis com-
municabo.

Cibus noster in hac vita ex animalium
carnibus, aut terræ frugibus atque herbis,
potus

2. Cor. 4.

Isa. 37.

Apoc. 2.

potus ex aqua aut succo vuarum conficitur,
& sumptus quandoque lœdit corpus, sæpè
mentem ad terrena deprimit, labore para-
dus est, & quotidie repetendus : Quantò
præstantius est alimentum cœlitum? Ego (di- Tob. 2.
cebat) Raphaël cibo inuisibili & potu, qui ab ho-
minibus videri non potest, vtor : Replet omne Psal. 35.

desiderium satiatque : Inebriabimur enim ab
ibertate domus Domini, & satiabimur cum appa-
ruerit gloria eius ; sine molestia paratur, quia
filius Dei iubebit nos accumbere & transiens
ministrabit nobis.

Voluptas huius vitæ suas habet amaritu- Lucæ. 12.
dines, ut non immeritò à saluatore Christo
spinis pungentibus comparetur : non raro Luc. 8.
est fœda, plerumque imperfecta: nam qui ta-
ctu delectatur, dolet alio sensu, audiens vel
aspiciens quod molestiam parit.

Quæ sensuum erunt obiectamenta?

Oculi qui multa hic acerba viderunt, &
pauperum necessitates benignè inspexerūt,
gaudebunt illic præsentia Christi, Sacratissi-
mæ matris, omniumque sanctorum, quo-
rum corpora omnem pulchritudinem vin-
cent.

Delectabuntur quoque amoenitate loci,
quæ quanta sit in ipso cœlesti palatio, ex in-
fima eius vilissimaque parte, quæ nos respi-
cit, coniectare possumus. Hæc enim pulch-
ritu-

ritudine stellarum & siderum ornata, lumenque Solis & Lunæ illustrata, non solum orbem hunc inferiorem illuminat, sed rebus omnibus vitam & esse confert atq; conseruat. Quid igitur in penetralibus ipsius pulchritudinis, si tantum splendoris habet hæc pars, quæ non solum ab hominibus sed etiam à bestijs conspicitur?

Aures quoque quæ pauperum vocibus & clamoribus patuerunt, diuinæque laudes & sacras conciones admonitionesque cum fructu audiuerunt, multaque conuitia haberunt; ibi suauissimo CHRISTI colloquio perfruentur, sacratissimæ DEI genitricis, cæterorumque sanctorum verbis & sermonibus concentuque Angelorum & laudibus DEI sine fine decantandis delectabuntur.

Singulis præterea sensibus reliquis, ita voluptates non deerunt, & plus delectuvis illi percipient, qui plus molestias tollebunt.

Ipsam vero corpus quale futurum?

Ipsum cum omnibus suis partibus & membris admirabiles capiet voluptates, sed cœlum, sed sanctas, sed diuinæ. Afficietur namque diuinis illis quatuor dotibus?

Erit enim primò impatile, sanum, ut nulla læsione, nullo æstu, nullo frigore, nullo que malo affligi possit.

Secun-

Secundò instar solis clarum ; splendor enim ipsi loco vestimenti erit.

Tertiò, Agile ad omnem animæ nutum velociter, sine molestia, absque defatigatio- ne ubique præsens.

Quartò, spirituali rationi per omnia ob- temperans.

At nunquid manent in glorificatis corporibus martyrum cicatrices, iejunantium attenuatio, flagellorum corpus suum castigantium vibices?

Manent utique cicatrices vulnerum pro Christo acceptorum, sed admirabilem splé- dorem reddent, non secus ac smaragdus aut carbunculus in auro obrizo, caro macie, ie- junij, cilicijs, alijsque pœnitentijs confecta, instar Solis fulgebit; denique labores omnes & incommoda pro iustitia & remissione peccatorū suscepta & tolerata, summa quie- te & iucunditate permutabuntur.

Bona iustius vita aliudne habent vitium, quam quod multis malis sunt admixta?

Habent sane, idq; maximum. Sunt enim brevia & incerta, aliquando fortunæ ludi- brio exposita, semper autem morte dese- tenda. At verò cœlestium bonorum nul- lus erit terminus ; semper enim *cum Domi- no erimus*, inquit Apostolus. Cum namque in

in omni occupatione læta tempus breue apparet, & citius atque vellemus effluxi deatur, in illa summa fœlicitate omne tempus esset breuissimum. Quia (vt ait Propheta Dauid) *mille anni ante oculos Domini; tanquam dies hesterna quæ præteriūt.* Igitur in illa sancta æternitate nulla est vicissitudo, nulla successio, nulla permutatio, sed constans & firma, & plena, & absoluta per omnem æternitatem lætitia, nullo tædio diuturnitatis permixta: sicut enim Deus alias omnipotentiam, sapientiam, bonitatem, iustitiamque suam hominibus declarauit: ita in beatitudine ecclesiæ quibus bonis ornare, & quanta fœlicitatem suos dilectos afficere possit, apertis thesauris gloriae suæ palam faciet: *nihil hic erit malum, nihil deerit boni:* Cogita diligenter apud animum tuum quid appetas aut quid desiderare possis, id omne habebis illic, & plenus perfectiusque quam conceperas habebis.

Scientia istius mundi tametsi magna labore parta, est tamen potius ignorantia descendens quam scientia, vt verè dixerit sui temporis doctissimus Socrates, se hoc unum scire quod nihil sciret: quumque tam exiguit, & ferè nulla, inflare tamen solet, & mirabiliter homini Spiritus afferre. Quid quæso nouimus de natura cursuque astrorum? Quid de fluxu refluxuq; & sal sedine maris? Quid de corpore humano? Medicina plena est ambigui-

siguitatibus, Iurisperiti tot scriptis volumi-
bus, in rebus grauissimis s̄pē dissentiunt.
Extra ea quæ fide credimus Theologia mul-
tis obscuritatibus est inuoluta. Et hodie in
omni ferè scientia, quæ multo tempore ma-
gno consensu tradita fuerunt, à plerisque
nouis difficultatibus fuscitatis in dubium
vocantur. Sancti in cœlis quid poterunt ig-
norare? Videbunt oculis cursus orbesque
celorum, non magis ipsos latebunt herba-
rum, animalium, cæterorumque corporum
natura & proprietates, quam dæmones, qui
ingenij perniciitate omnia penetrāt. Et quid
non scient, qui scientem, summaque in se
continentem scient?

Suauitas denique quæ ex amicorum so-
ciorumque consuetudine in hoc mundo ca-
pitur, frequenter aliqua amaritudine misce-
tur, vel ex moribus minus aptis, vel ex verbo
leuius inconsideratiusque prolatō, vel ex æ-
mulatione, si fortè alij nobis anteponantur.
In cœlo verò vnum ex præcipuis gaudijs erit
sanctorum consuetudo atq; præsentia, quo-
rum gloria non aliter atq; si nostra esset læ-
tabimur, quemadmodum singula corporis
membra ornatu mutuo gaudent: manus e-
nim ex capitib; ornatu redditur ornatior, at-
que ita de cæteris membris; & sicut mater
gaudet quum filius ad honores magnos eue-
hitur, quod talis honor in matrem quoque

Kk

talis

talis filij redundet. Quamobrem nulla est illuc inuidia, nulla ambitio, nulla oblationum maiorem gloriam æmulatio. Singuli enim quantam optare & capere possunt gloriam habebunt. Sicut igitur frater statura breuior accepta à parente ueste aurea quæ suo corpori conuenit, non inuidet fratri proceriori uestem similem, sed pro statura longiorem maiorisque pretij, neque istam sibi cuperet oblatam tanquam minus conuenientem: & sicut manus ornata annulis gemmisque non appetit ornatum capitisci-
cet sumptuosiorēm: Et quemadmodū ma-
ter non inuidet filio diuitem Episcopatum
aut Sacerdotium, cuius ipsa non est capax:
Ita sancti suo singuli statu contenti erunt;
nec vñus alterius honore, aut gloria dolebit,
sed potius vehementissimè gaudebit.

Quid post hæc omnia beati exspectabimus?

Præter hæc tanta, tamq; admirabilia bo-
na, vult Deus seipsum nobis in cœlis dare,
diuinamque naturam admirabiliter nobis
coniungere, vt à nobis videatur & habeatur,
& videndo possideatur. Et hoc est præmium
essentiale.

Quomodo videndo Deum ipsum possidemus?

Res ista cum tam sublimis sit, vt neque
verbis exprimi, neque mente concipi vale-
at, pro ingenij nostri tarditate, hoc rudi mo-
do

lo consideretur. Deus natura simplicissimus, perfectione infinitus, nec humano nec Angelico intellectu attingitur aut videtur; quod mens creata ad tam perfectam & absolutam simplicitatem non possit aspirare, neque sit aut esse possit similitudo aliqua, quæ Dei naturam intellectui repræsentet, cum omnis similitudo finitam habeat perfectiōnem, Deus autem sit infinitus. Deus itaque pro bonitate sua hominibus sanctis se manifestare volens, mentis humanæ oculos infirmos atque angustos, primo quidem firmiores reddit, lumineque diuino illustrat, ut supra nature vires capaces efficiantur contemplationis Dei. Tum verò Deus ipse non per speciem (ut fit in cognitione aliarum rerum, quarum similitudines non res ipsæ sunt in sensibus & intellectu) sed per se ipsum in intellectum ingreditur, coniunctioneque hac supernaturali & admirabili, videtur per se atq; in se diuina natura: neque videtur modo, sed per intellectum ingressus in animam, eam, potentiasque eius, adeoque corpus ipsum hominis beati diuinitate replet.

Quid hinc efficitur?

Primò, ut anima beata Deo plena, tametsi naturam suam non amittat, diuinæ tamen naturæ consors dicatur, atq; in ea magis De-

Kk 2 us

us quam propria natura cernatur: quod similitudine carentis carbonis, & ardentis fumi in flamma explicari solet.

Matt. 17. Secundò, vt gloria hæc animæ in corpus redundet, corpusque ipsum afficiat: vnde sicut per animam suam accipiet humanum corpus pulchritudinem, ita non mirum, si præsentia hac diuinitatis corpora sanctorum fulgebunt sicut Sol in regno patris eorum: quemadmodum Christum Dominum in transfiguratione resplenduisse nouimus: & sicut ex pulchritudine ista motuque videtur corpus viuere, vitaque ipsis quodammodo oculis externis cernitur, ita rectè dixit B. Augustinus propter insignem sanctorum gloriam, Deum ipsum humanis oculis quodammodo conspici, nempe sicut videtur vita vel nimia viuentis.

Tertiò, fit ut hac coniunctione sancti admirabili delectatione voluptateque afficiatur: siquidem voluptas tribus rebus excitatur: re delectabili, re delectationis capace, & utriusque coniunctione; eritque delectatio èo vehementior, quo hæc tria in suo genere magis superant: quo namque cibus est suavior, gustatus etiam melius constitutus, illique cibus coniunctior: èo gratiior est sapor. Atqui Deus in quo continetur omne profus bonum, omnis dulcedo, omnis suauitas, est summè delectabilis. Anima quoque humana,

nana, natura alioquin sua ad percipiendam
ele^tationem aptissima, vt potè natura spi-
ritualis & subtilis, cuius virtute & præsentia
corpus ipsum affectionibus quibusdam so-
let commoueri: Lumine verò hoc diuino,
multo est etiam aptior, & quod summo Dei
sui desiderio teneatur, non aliter idonea est
ad Deum capiendum, quam ille qui arden-
tissimè sitit, est idoneus ad bibendum. Iam
verò coniunctio Dei, & animæ non est ex-
terna per immissas species & similitudines,
qualis est fere in sensibus animalis, & intelle-
ctu hominis, qui aliquid intelligendo con-
cipit; neque est per solum contactum, sicut
cum gustamus quidpiam aut tangimus, sed
est prorsus intima, dum Deus natura diuini-
tate^{que} sua in animam illabitur, totamque
penetrat, sicut spongiam penetrat aqua, &
fumum ignis. Vnde necessarium est, hanc
suavitatem atque dulcedinem, quæ ex con-
iunctione Dei accipitur, esse maximam.

Quartò fit, vt sancti magna sapientia pre-
dicti sint, & multarum rerum scientia abun-
dent. Quid enim non videt, qui in se haben-
tem omnia videt? Itaque sancti quibus datū
fuerit diuinam essentiam perspicuè intueri,
videbunt Dei infinitam naturam, maiesta-
tem, pulchritudinem, bonitatē, personam,
ceteraque attributa; quæ omnia quum sint
perfectissima, non sunt in Deo res multæ,

Kk 3 sed

sed vnicā simplicissimā naturā, estq; Dis-
pientia eius persona, & hæc eius iustitia, &
ista ipsius misericordia, &c.

*Quid præterea in simplicitate illa essentia sunt
videbunt?*

Videbunt tres personas reip̄a distinctas,
& vnicam tamen numero naturam. Vide-
bunt quomodo Filius ab æterno generetur,
& semper sit genitus, semperque nascatur, &
semper sit perfectus, quomodo Spiritus S. à
Patre & Filio, nō nascatur quidem, sed pro-
cedat per modum amoris, non à duobus sed
ab uno principio.

Videbunt rursus quid tota æternitate
Deus egerit, qua persona & modo de nihilo
mundum creauerit, resque omnes creatas
visibiles & inuisibiles, in Deo existentes co-
spicient, sed longè nobiliores atque pre-
stantiores quam sint in seipsis, nempe ideas
rerum & similitudines, per quas producta
est vniuersitas rerum, quæ res in Deo erant
antequam ex nihilo formarentur, & quidē
non materialiter sed materialiter expertes, neque
mortuæ sed viuæ, quia *quod factum est in alijs
vita erat.*

Videbunt præterea operantem Deum &
non moueri, omnia quæ fiunt facientem, &
non mutari, omnia conseruantem, nec fa-
tigari.

Vide-

Videbunt inter cætera admirabile opus
incarnationis filij Dei, qua secunda in Trini- Ioan. I.
tate persona in eandem personam assumpsit
humanam naturam, ita ut ea persona, quæ
prius erat perfectissimus Deus, facta sit sine
ulla sui mutatione perfectissimus homo.

Qualis erit ista visio?

Hæc omnia videbunt in Deo clarè per-
spicueque, sed non comprehendent ob re-
rum magnitudinem, seu potius ob rei vnius
infinitatem, gaudebuntque se comprehen-
dere non posse, & ad tantæ maiestatis aspe-
ctu esse admissos quæ nullius creaturæ men-
te capi possit.

Nihil præterea videbunt?

Videbunt denique in Deo res omnes ab
orbe condito gestas, non ut absentes, sed
quasi præsentes, mirabunturque Dei sapien-
tiam & prouidentissimam charitatem, cog-
noscent quoque quanta benevolentia eos in
hoc mundo Deus tractauerit, per varios ca-
sus duxerit, & ab æterno prædestinatos sapi-
enter amanterq; ad salutis portum perduxer-
it, omniaque bona & mala, quæ in hac vita
experti fuerunt, in ipsorum commodum
conuerterit.

*Quid fit præterea admirabili illa coniun-
ctione?*

Kk 4

Exci-

Excitabitur quintò in hominis voluntate ardentissimus amor Dei, tum expulchritudine bonitateq; immensa, tum ex charitate beneficisq; in nos, totumque humanum genus collatis: Hæc enim duo conciliatorem, bonitas & beneficium. Et quia iusta scripturam Deus diligentes se diligit, seu potius quia se faciet ab homine perfecta charitate diligi, ipse vicissim in nos suauissima abundantissimaque charitate effundetur, vt non modo cognoscamus & affirmemus nos diligi (quod in hac vita quoque fieri cogimur) neque solum experiamur, sed verè sentiamus atque gustemus immensam Dei in nos dilectionem.

Prou. 8.

Quid postremo?

Sextò, fit quoque hac admirabili coniunctione, vt beatis Deus suas proprietates impertiatur. Potentiam, amorem hominum, patientiam, compassionem, misericordiam, &c. Ut sint ferè sicut dij, non quidem scientes bonum & malum, sed scientes omnē bonum, omni virtute, bonitate & gloria perfecti, & carentes omni malo, aut potius sicut Deus, qui per hanc suam cum omnibus sanctis coniunctionem erit omnia in omnibus, vt Deus in singulis videatur, & singulis in Deo. Sicut ignis est in carbonibus accensis, & carbones in igne ardente. Vnde etiam hoc

hoc discimus, quantoperè sint sancti à vi-
uentibus colendi propter Deum quo pleni
sunt, quanta sit eorum dignitas, quanta ma-
iestas, quanta potestas, ut dij vel Deus poti-
us videantur, quam homines. Non itaque
mortui, non cæci, non surdi, non muti, non
infirmi, sed viui videntes in Deo necessita-
tes nostras, audientes preces nostras, orantes
pro nobis, & pro gloria & potestate sibi à
Deo concessa, mortalibus opem ferentes,
adèò vt dæmonibus damnatisque summo
sint terrori, qui hanc diuinam in sanctis ma-
iestatem, claritatem atque personam ferre
non possunt.

*Quibus indicijs confidere licet nos esse in via recta
ad vitam æternam?*

*Nescit quidem homo, utrum amore an odio dig- Eccl. 9.
nus fit, indicia tamen quædam bona habere
possimus, inter quæ primum est serenitas
conscientiæ & quies interna, iuxta illud B.
Ioannis. Si cor nostrum non reprehenderit nos, fl- 1. Ioan. 3.
duciam habemus ad Deum. Cæterum quia de se
B. Paulus loquitur, nihil mihi conscius sum, sed 1. Cor. 4.
non in hoc iustificatus sum; non in omni, nec in
sola illa interna pace, & tranquillitate est ac-
quiescendum, quandoquidē Dauid in pra-
uissimis peccatis adulterio & homicidio to-
tis 9. mensibus, & in peccato superbiæ nu-*

Kk 5 mera-

merati populi totis 6. mensibus sine ullis cō-
scientiæ stimulis videtur hæsisse.

Vnde hæc mentis quies profici sci debet?

Ex cò quod quis post diligentem & quo-
tidianam actionum suarum consideratio-
nem, nihil in se inueniat, quod diuinæ legi
repugnet, firmumque propositum concipi-
at, nihil quod Deo ingratum sit, admitten-
di, & nihilominus frequenti confessione, le-
uiora peccata deleat, seseque crebra sancti-
simæ Eucharistiæ perceptione aduersus pe-
ccata communiat. Quisquis tunc serenitatem
animi sentit, firmiter speret sibi iam locum
esse in cœlis constitutum.

Da secundum indicium?

Secundum est in domandis passionibus
animæ progressum fecisse, atque dum præ-
sentem diem cum præcedentibus confes-
sionib[us] mutationem experiri, vt tametsi non
omnino exstincti sint motus perturbatio-
num; sint tamen ita repressi, vt non teiam
regant & ferant, sed à te regantur & com-
primantur. Ad exemplum paralytici illi-
us quem Christus curauit: is namque à le-
to infirmus portabatur, sanus autem lectu-
sum ipse portauit. Danda igitur tibi effe-
tua opera, vt vitijs prauisque inclinationibus a-
nimatum tuum liberes (sunt enim fortes qui-

Matt. 9.

bus purgandus est animus, si CHRISTVM in animo tuo præsentem habere desideras) ea- rumque loco virtutes compares , charita- tem , benignitatem , patientiam , bonita- tem : quæ quum sint fructus diuini Spiritus, declarant sua præsentia Spiritum Sanctum adesse sicut ex fructibus arboris intelligitur arbor viuere.

Galat. 5.

Tertium quod est?

Si bona ista terrena contemnas & flocci pendas, diuitias, honores, vanitates, & quid- quid mundani homines magni ducunt ; & contra delecteris ijs quæ C H R I S T V S Do- minus amplexus est, & commendauit, con- temptum pro Dei amore , castitatem, vitæ asperitatem, alterius voluntati & iudicio pa- rere. Quemadmodum D. Paulus *omnia ar-* Philip. 3. *bitrabitur ut stercore*, & in tribulationibus suis gaudebat, ac gloriabatur. *Mibi (inquit) Galat. 6.* mundus crucifixus est. Hoc est , quemadmo- dum viatores carnificinam aliquam præter- gredientes , à cadavere cruci affixo adhuc fœtente nares faciemque auertunt, & ne fœ- tote lœdantur, festinanter transeunt , ita mi- hi abominationi est mundus , à quo satius multo fuerit cogitationes animumque auertere ne noceat, quam eius vo- luptatibus recreari.

Ex-

Expone etiam quartum?

Philip. 1.

Quartum est desiderium vitæ cœlestis. Si cum B. Apostolo *cupias dissolui*, & esse cum CHRISTO, non more illorum, qui pusillanimitate & impatientia molestias refugunt, quas in mundo pati coguntur, sed amore præsentia CHRISTI. Ille igitur certa spe æternæ beatitudinis consequendæ teneatur, qui frequenter de futura vita cum voluptate & desiderio cogitat, ad illam anhelat, illuc bona sua præmittit, in illam omnem suam consolationem differt: quemadmodum vi- nitores faciunt, qui immaturas vuas non carpunt, ne tempore vindemiarum nullas habeant maturas, sed patienter usque ad Autumnum expectant: Cum quod immaturæ den- tibus stuporem inducant, tum quod in vin- demia dulce ex ipsis vinum subinde expi- matur. Tu ergo, cuius animum deliciarum cupiditas titillat, ne dubites, frueris delicijs ubi maturuerint: in hoc mundo nocent, pa- rumper itaque exspecta, & in autumnum, hoc est, in futuram vitam, omnem cogita- tionem tuam conuerte; ibi nihil deerit ho- noris, pulchritudinis, suavitatis, diuitiarum, voluptatum.

Habes aliud?

Quintum est, tribulationes & molestias in hac vita pro iustitia sustinere, hoc est, cru- cem Christi ferre: via quæ ad cœlum dicit, crucis

cruce Christi ab alijs vijs discernitur, in quibus non Christi, sed latronum, furum, aliorumque impiorum hominum sunt patibula. Si igitur recte viens nihilque præter Deum quærens affligaris, optimè sperandum tibi est de præmio æterno, & valdè notanda sunt verba Raphaëlis Angeli, quibus in hūc modum Tobiam virum alioquin sanctissimum consolabatur: *Quia acceptus eras Deo, ne cessefuit, ut tentatio probaret te.* Quasi dicat: Qui divitijs commoditatibusque carnis afflunt, & rebus secundis constanter vtuntur, nullisq; premuntur aduersitatibus, illis metuendum est, ne bona illorum opera hoc fœlici rerum omnium successu compensentur, sed qui malis vrgetur, & vexatur in hoc mundo, is gaudeat, quia merces ipsi bonorum operum copiosa in cœlis conseruatur.



PRA-